

壹

齋

集

靈齋集卷二十

當塗 黃鉞 左田

古今體詩九十一首

丙寅
丁卯

初春澄懷園

東風吹綠染林梢
溪屋溫爐已漸拋
披凍靜聞魚動鏡
揀枝閒看鵲加巢
送窮車且從奴縛
辟穀方誰借我鈔
自分忘情如艸木
那堪在戶有蠨蛸

驅車久索長安米
攬轡新裁短後衣
船尚怕乘何況馬
出猶無計敢言歸
松風泉石游應好
花月春江應卻非
料得湖陰圓照寺
玉梅如雪正芳菲

徐秋山先生自咸甯入覲飲於澄懷園直廬賦呈二首
舉最朝天會有期
忽聞裝卸促車馳
白頭相見門生老
青眼深

慚國士知一紀執經違絳帳

乾隆乙卯春謁嘉興縣署今十二年矣

先生於

七年簪

筆在

彤墀可憐臣朔仙無骨自竊蟠桃食更飢

入座春風暝直廬杯盤艸艸具魚蔬秦中詩卷分年讀足底山

川聚米餘兵氣已消民氣復離懷難共酒懷舒預愁帳飲花朝

近正著弓衣屬車

時奉

命扈

四月十九日作

掠波雙燕羽差池隔葉黃鸝轉故遲不道歸鴻行竟斷憑闌猶

自望移時

大兄嫂已百日

縱使能歸不忍歸親知凋喪似星稀傷心七載成千載竟作人

閒丁令威

移山容易挈家難但有朝霞寄與餐留固可憐來轉怯不堪圍

座話悲酸

鼎鼎歐湖一鏡開
寢同寒壁劇堪哀
須知解組陶彭澤
不爲折

腰歸去來

大兄晚愛歐湖寒壁因以爲號歲癸亥曾寄小像命作寒壁圖陶淵明以妹喪去官作歸去來辭

盤山歸後又香山
三月鶯花付等閒
只有流泉識人意
時和清淚滴潸潸

家書開罷涕霑襟
漫怪同苔忽異岑
廣受由來稱父子
阿新不

用苦傷心

大兄無後以鍼第二子中民爲之後

老撫諸兒最有恩
不知天道竟何存
兄如少忍須與外
也合花

前手抱孫

聞新兒顧新婦將於三月免身

枉被浮名自縛纏
累君淚眼望俱穿
縱教世世爲兄弟
業已今生負暮年

卽事

石橋南轉樹周遮
荷葉當門綠到家
慙媿年來太叨竊
招涼專

領一池花

晚霽紅雲秀滿天
兒童仰面綠楊邊
那知涼月清如洗
入夜孤光更可憐

謙士少農以鮮枇杷見餉

四月枇杷熟長安
欲致難誰歟
乘海舶疾若傳風
翰饋食殷勤
謝傳觀子細看
七年嘗肺渴乍見
怯牙酸不謂徐妝
老依然趙璧完
黃如見囿杏金訝
墜林丸風味曾何
減踟躕未遽餐
浪遊思往事泛槳
到江干堆艇論斤
賣連枝帶露團甘
滋三日變飽喫百
錢拌淡勝楊梅白
蕭山有白楊梅
鮮同荔子丹種生
江國遍核只洞庭
單往歲在塘西食洞庭枇杷核小而獨者尤妙
與爾鄉人誼憐予
客艤殘壓糟嫌內
腐漬蜜笑中乾竟
異千金骨惟添幾
點癥終疑丸是蠟
頻覓字平安

丙寅五日爲鮑比部

土貞

作江鄉競渡圖因題其上

金鼓動地波翻江旌旗五色紛幢幢人如黑蟻舟落雁決背競
渡飛龍雙梭穿箭急絕流亂汗手扠心爭到岸直將性命等鴻
毛不信波濤解爲患此是吾鄉五日事楚些分明記髻穉一從
薄宦來京師蒲觴不復江心醉頻年天上度天中傳宣未坐陪
三公始知方丈羣龍戲綠波不動琉璃宮兩兩躑踞辨方位羽
葆流蘇屏金翠有麥纔教衆樂同黜華共識

君王意今年端五值齋期 詔令朔日張水嬉時和展上甘霖
頒賞罷羣歌夏諺詞直歸偶共鄉人語約解堆盤碧筒黍酒餘
歡適恣情塗吮筆依然落江渚非關結習未能忘要使淳風返
故鄉爲傳蓬島金銀闕不是人間錦繡場

艸花綠離盛開不由種植是春初理徑所餘者因爲此

詩

樊籬緣時花刈艸須辨種譬如慎官僚當先去傷罅又如聽羣
言決擇母令壅方春初因芴青青遍邱壠孰爲根蔓延孰爲枝
上聳孰爲先夏榮孰爲後秋雨毒誰斷人腸良誰藥人腫本艸
徒實繁爾雅名亦總職在腰一鐮放出大眼孔東風酥雨晴南
池土膏動課程與僮約去舍以身董毓者急滋培雍者絕翳翳
惡艸自芟夷好花獨矜寵買不一錢費賞可千杯奉居然趙昌
圖六幅屏風擁乃知去惡盡是在登善勇四賢一不肖謫且不
旋踵駸蔑雖一言叔向聽而竦莫欺庶艸中不復有萋華詩成
還自吟不值腹一捧

聞家累北上清口水漲恐不果行

連牀聽雨癡都殘便說團團鼻也酸十口累人商去住七年僅

我免飢寒誰經濁浪長河險來共青燈仰屋嘆只恐扁舟如六鷁退飛仍覓舊枝安

池蓮追和匠門先生瓶蓮韻

開門花到眼枕簟不煩攜坐看紅雲曉平鋪翠蓋齊直教香沁骨豈止淨無泥心苦初難識頭高那易低紅酣魚戲影粉墜鳥爲哢地僻偏饒水池深絕類溪涼時須月上多處在橋西延賞人誰共思歸路未迷湖寬襍菱芡邨近足鳬鷺醉憶名園好懷因舊雨淒戴園在蕪湖城西北卅年前與諸舅賞荷今座上客無一存者但能衣挂壁不願帶圍犀何日歌江調谿堂筆重題

池南柳仆於水石君師以千錢命人曳之起蓋無復生意矣戲呈此詩

頽然一聲人落池舉頭忽失青楊枝全身臥水不肯動意欲變

化從蛟螭相公曰嘻曳之起眾皆否否而唯唯手提千錢擲之地能樹此者賞以此十夫邪許口一聲病柳人立如初醒枝柯半落根已露僅有存者猶青青吁嗟乎相公爲國秉鈞軸要使蒼生絕僵仆莫嗔見倒誰肯扶願公樹人如樹木

題錢舜舉仕女

朝涼風物清誰家庭院潔佳石堆湖黿襍花互羅列美人來迎涼被服艷晴雪短衫類中單結束頗近褻侍兒長差肩睂目亦秀絕手持白團扇中若有波擎艸書一安字點點相團結不知意云何默默不我說我時苦蒸鬱大扇搖復挈對之心境空忽悟養生訣人生安爲樂頓覺靜勝熱人生安爲樂東坡句

題黃香疇仿趙子昂王叔明筆意卷

我昨東游到鵲華蒼色乃悟王孫嘉又嘗七見山樵筆雅宜山

齋最清逸

雅宜山齋圖王叔明爲陳惟寅作

雲烟過眼去不留時時坐想張兩

眸安得賢甥老舅適相遇爲我合筆圖滄洲吾宗香疇今子久

古墨重磨郭忠厚一卷秋山翠撲人黃鶴鷗波落吾手我亦東

塗西抹人年來紙墨怕相親但能讀畫消長日不用登山著屐展

池蓮再作竝蒂花詠者例爲綺語賦此解嘲

南池當門中再茁竝蒂蓮雙花照初日有若人比肩觀者情易感輒爲兒女牽子美且不免自卽何譏焉我讀詩三百興喻所開先荷花比君子見于康成箋刺忽不知人所美非美然後來濂溪說是其所因緣又以喻女色乃自澤陂篇夏姬不祥人首辱凌波仙何物張六郎亦敢方靜娟茲花比君子高潔夷齊賢不然媿美人婉孌隋喬姘荷花乃大笑擬議何其偏譬如枝指

生未聞人愛憐譬如變生兒豈卽空後前不觀雙歧麥蕤蕤來
公田不觀合穎禾穗穗呈豐年聖王且不貴不付史館宣區區
艸木花何足勞丹鉛但祈點筆時爲我綺語捐秋風飫朝露開
落全其天

得家書

一回開看一愁吟誰說家書抵萬金脫轡已思休病馬構巢翻
欲聚飢禽但除縮地終無術況有移山未了心爲語諸兒莫惆
悵翳桑何必定湖陰

短歌行

秋雨不絕如縑絲沈沈雲幕天四垂蓮衣盡脫益傾側倒瀉水
銀流入池鳴蟬翳葉學劉勝我亦枯木同子基寒添半臂忍不
得有若九月重陽時此時破悶可無酒那恤酤者身淋漓一壺

徑醉默無語私憂過計何其癡水濱河大甘澤足農夫罽鎌待刈熟

池館

池館樹陰森霏微莫雨侵風斜欺短燭秋冷逼孤衾巷櫟參差起階蛩宛轉吟此時無限感豈獨有歸心

和圃前輩有山谷銅雀瓦硯名其齋曰古瓦山房嘉慶丙寅正月四日重華宮茶宴聯句蒙賜沈周評硯圖上方沈有莫斫銅雀硯歌爲劉艸窗作劉嘗賦銅雀硯詩有云呼兒開匣取長劒碎斫慎勿留其蹤沈反其意爲此和圃喜與藏瓦事適相合賦詩屬題因次石翁韻

畫圖新獲瓦昔弄巧與山房事增重記昨重華拜賜歸夏

正初開建寅統屬我題詩序已秋斫硯者劉救者周回看古瓦
色淡墨頑然蒙此千年羞投鼠忌器重撫硯爲有山谷銘其面
五方之土亦何辜汙以曹瞞不敢怨先生史筆配素臣不知帝
魏爾何人若爲計較平生罪畫卷長留瓦可碎

碧山吟社圖次卷中吳匏庵韻

圖爲石田翁作跋云廬

度在焉此千古之勝事也梁溪十老倣之構堂於惠麓
之陽名曰碧山吟社倡者修敬秦公和者綱菴覺性亦
一時名勝索余
繪像以跡不磨

築將吟社傍山泉天與諸公老耄年當日偶尋林下樂于今擬
作地行仙詩成雪碗冰甌外畫到溪雲嶺樹邊我亦湖亭曾結
客披圖慙媿說歸田

遂園修禊圖追次查初白先生補和玉峯司寇限蘭亭二
字韻

圖爲禹鴻臚之鼎作與會者凡十九人作詩者十三人
皆且書爵里年歲人得七律二首悉以蘭亭二字爲韻
舉人通判常熟錢陸燦年八十有三前廣東道監察御
史岷山盛符升年八十翰林院檢討長洲尤侗年七十
七右春坊贊善太倉黃與堅年七十有五前戶部尙書
華亭王日藻年七十有二提學僉事長洲何棟年七十
舉人常熟孫暘年六十有九按察使華亭許纘曾年六
十有八前刑部尙書崑山徐學乾年六十有四司經局
洗馬上海周金然年六十有四右春坊右中允崑山徐
秉義年六十有二左春坊左諭德無錫秦松齡年五十
有八莘香道人宗渭圖中有像而不作詩者六人禹鴻
臚及司寇子姪童孫五人也時康熙三十三年甲戌三

月三日閏五月而司寇下世又二年宗渭始持圖乞諸

公補書詩焉

脫帽科頭

禮數寬階庭圖寫到芝蘭歸來解襖年重閏

司寇以康熙庚

午告歸至是才五年

老去題詩筆未乾似此勝游殊不惡可知勇退亦何

難黨牛怨李今安在蒼狗浮雲一例看

書局曾開東洞庭山樓常聚少微星

姜西溟黃俞邵張漢瞻吳西齋皆在焉

平原

絲好從誰繡栗里雲閒每自停一卷畫圖當列傳三吳前輩識

真形最憐詩稿因僧錄不在當時襖飲亭

丙寅九日鄉泉夫子招集知恥齋看菊以韓魏公雖斯

老圃秋容淡且看黃花晚節香分韻賦詩命

鉞爲圖鉞

得雖字

天公成就邠老詩年年風雨重陽時不顧黃花逞顏色一任泥

黠東籬姿吾師愛菊廣藝菊佳種一一標黃蕊先期召游崇效
寺及暮歸賞淵明卮我時冒雨最先至薄寒欲衣羔羊皮人聲
雨聲互相亂花氣酒氣酣淋漓須臾與衆中大醉欹倒更比花
支離眊昏醉眼眩紅綠仿佛有月明花枝出門登車癡僵仆兩
手似賴人交持可知四海盡兄弟不用永嘆良朋雖爾雅每有離也況
茲同鄉又同譜本若遰雁行肩隨竭朝酒醒問兒子時初民慙侍行
媿不出思自笥畫圖蘭韻事皆忘爾時狂語知爲誰急塗此卷
當悔過醉人恕否從吾師

暮抵懷柔

城市塵囂遠若聞絲來小雨暮紛紛蒼茫一色渾難辨山是青
雲水白雲

密雲道中

行程三日路非賒
厯碌雙輪碾溼沙
時有微風送微雨
但多黃葉少黃花
亂流野水浮歸騎
作陣崇岡鬧暮鴉
聞說牛欄山更好
豐年處處酒旗斜

本欲道出牛欄山下爲僕夫所誤黃花小店豐年酒初白密雲道中句

以東坡饋歲詩句屬堅甫寫丁卯歲朝圖

欲舉鄉風遺所知
劇憐春磨摯誰司
煩君掣取生花筆
爲寫東坡饋歲詩

丁卯正月十日至澄懷園過朱文正公直廬感賦

朝來料簡賦移居
身與圖書共一車
忽忽畧如兒入塾
團團真是磨旋驢
重尋莎徑曾青否
依舊冰池未泮初
回首元亭珠履寂
不堪仍對碧窗虛

論定千秋白
九重寸筵安敢撞
洪鐘賴公獎借聲
名立顧我愚意百事容
豈有私恩出周景
媿難爲服報袁逢
眼看桃李花

爭發不見風前獨倚筇

或言

不登變童牀不入季女室雖非楮屋員要自持躬密嗟來食甯
饑揮鉏金不暱行誼所當然堅白卽其質絕跡權貴門卻掃車
騎匿蹢躅廉謹徒下士亦不失或言古大人不以細行律孝侯
少無賴三害身其一文山旣登第聲色乃屏叱蠟炬廁成堆萊
公素豪逸用錢如泥沙亦有辛棄疾士當身名泰區區何足恤
要爲人中龍不效禪處蝨苦身究何裨我聞不敢詰履霜知堅
冰蟻穴致河溢所以慶元初何濟劉德丙賈鄭出

三月十一日自黃新莊至呂邨拜文正公墓

西山落日孤邨遠白髮門生上冢來芳艸忽驚春已暮好花猶
是手親栽手種襍花今已成樹石函誰授飛龜秩華表難期化鶴同莫詫

藏塋太零落生存何處有樓臺

鄭公笏在

君恩重章相經傳子舍賢暫就松楸同一宿與公子習之同宿兩舍回思

笑語隔重泉八年溫室趨宮樹廿載寒窗託幕連今日生芻無

一束短衣揮淚灑新阡是日扈謁初歸

病中襍詩

覺痛原非初受病參苓未必起羸尪平生粗識醫經字不妄將

身試藥方

熱風撲面火生眸不遣濃雲黑上頭想到三農方輟耒病夫人

海一浮漚

迎涼窗榻太輕空半掩蘋池尙怯風獨有忍冬難忍雋時吹清

馥透簾櫳

粥材疎糲菜根麤一病幡然憶故廬
賺得親知來裏飯湖州香稻武昌魚

小愈蹒跚步嬾移可憐未老已支離
若教兩足還相問差幸曾無冒汝詞

歸來何樹息棲禽老去空搔白髮吟
昨夜書堂癡逃學分明猶復有童心

無限青山繞畫船一杯濁酒對江天
艾黃菖綠端陽近敲枕重思又八年

一榻頽然閣痠軀何堪蚊蚋嚼肌膚
嘲渠那值佳詩句空費精神笑石湖

茶縷初醒病骨輕簾波不動篆烟生
禽聲也愛人聲靜綠樹無風自在鳴

晚飯巡簷捫腹行偶然觸目殺機生不知螻蟻何恩怨黑白相持抵死爭

麥穗菱叢照水鮮依蒲傍柳競沿緣亭亭卻愛新荷葉雨打風吹只自憐

橋上騎聲時特特池邊竿影日沈沈夕陽欲下須歸去誰識恩恩一樣心

懸蛛綴網伺飛蟲白鳥成雷自擾空欲把一編行且讀卻憐殘月太朦朧

送子卿編修典試雲南

萬里山川供畫本三時風月據吟鞍此行羨爾游真壯暫別惟予意獨難塵海幾年同泛宅滇池遠道合加餐也知無與餓寒事且博高堂一笑歡

記踏槐黃下白門青衫墨汁尙留痕十年玉尺歸卿手

君以戊午舉於

鄉至今一路皇華拜

主恩玫瑰莫教瑕便棄覆瓿還與細重論通經要有匡時策小技文章道未尊

仲夏十日池蓮先見二花

徹宵雷雨水平池又見荷花放兩枝已訝去年開太早今年翻覺去年遲

露華泛艷鏡無塵兩點愁紅著眼新黏壁尙留題句在臨風無

復把杯人

謂文正公

陳默齋副將還閩道經蕪湖省其兄

廣興

廿年池館共嬉游同是蘇家一子由此去羨君笳鼓競有兄江

上望歸舟

六月十一日奉 命典試湖北恭紀

維楚國爲大親承

天語褒

十二日 召見蒙 北大省人文頗盛

論云

湖謬當奉星使何以繼風騷

往者游清漢於時一白袍初心安敢忘沉重

渥恩叨

順德

不知何處柳公亭堤柳塘荷目未經惟有馬鞍山色好一峯猶自繞城青

邢臺曉發

殘星幾點夜將闌高樹連陰大道寬零露有聲疑雨過宿雲不動當山看鐙明虛店猶縣壁僕倦疲驢半倚鞍忽聽前頭人送語昨宵甘澍徧邯鄲

呂仙祠

赫赫炎官火繖支清涼來就呂仙祠道人畢竟還貪寢不塑盧生睡醒時

磁州道中

邯鄲南去似江鄉百里征途不厭長行過杜邨風景好稻花香
襍藕花香

大雨留豐樂鎮呈葛編修

方晉

曉發磁州城黑雲頭上壓十里猛雨來如啓運河牯輿夫浴雨中
亂若鳥與鵬危危泥淖間有足無處插欲休勢不能旁以雨
人夾雨汗交淋漓瞪目不敢眨慚愧轎中人形勞敢辭乏自以
人爲車乃造此惡業泰哉我亦知舍此更無法漳河方前橫濁
浪望愈怯雨師似見憐俄頃但飄雲豐樂飯未休階砌漲清霄
者番真難行解衣且搖筆幸有素心人對賞酒姑呷秋宵諒不

長少待熟羊腓我勞何足歌黍稷喜滋洽不見煙溟濛農夫荷鋤鋤

過安陽記韓魏公家傳二事

一言慈孝兩官全如此勲名孰比肩堪笑冥官無別白榜書專爲侍中傳

畫錦堂荒醉白空到今婦孺亦知公何須侈說神仙案紫府真人別有宮

湯陰謁岳忠武祠

此是公鄉里千秋廟貌崇馨香猶子姓祭饗走邨翁城接文美里祠鄰嵇侍中羣兇汗殿陛我意欲銷融

題亢邨驛壁上荷花次子卿韻

相遲四十二天來一向滇池一楚臺贏得荷花含笑口爲君開

後爲儂開

夜發新鄭渡溱洧戲作

鐙火喧闐夜問津一灣清影自鱗鱗笑他贈藥嬉春水卻照頽齡面皺人

至許州感荀陳故事

盛德荀陳自典刑兩家杖履亦嘗經如何鄒魯羣賢聚底事無人奏德星

雨發遂平

輿夫郭索艸泥中欲步曾無路可通聞有嶺呀何處是出城一片雨溟濛

駐馬店聞逆旅主人語感賦

行行遂平南西山翠如積休輿問主人可有古名蹟蒼云元二

年此閒被賊劇殺人駐馬店竝及行旅客當時山下人逃亡走
荒僻玲瓏暨朗陵肇錫名自昔一遭羣盜汙烟雲亦狼籍而今
得安堵相看嘗不憚何暇問古人誰者此岸幘主人語未終我
面已爲赤那知禾黍中曾有賊游弈出門嘆再三一望千里碧

信陽山中

岡巒重疊繞申州山店松棚面綠疇眼底農夫似相識芒屨著

足笠遮頭

大河南北農夫無著
屨者至此始見

爨松飯筍賦山居暝翠浮嵐畫不如行過石橋朝日暗萬竿修
竹壓肩輿

漱石泉聲響玉珂緣谿山徑似旋螺廿年宣歙常經路今日分
明卻再過

宿雨初收暑未闌恩恩孤負好林巒歸來紅徧千山葉準擬秋

光子細看

雙廟驛曉起

古驛寄山邨孤危屋僅存趁墟無市物步砌有苔痕雨少秋猶熱風微樹不喧翻如公事了于此息歸轅

羸馬店

羸馬店乃在漢口馬王廟富商大賈來暫憩卸羸轡有屋數十楹幽暗失窻窻不知何許人出入祇取鬧我來主試援而止風雨破窗久無紙朝陽夕陽不可徙時方秋熱汗如洗階下何所有糞穢堆庭隅樓上何所有窳窳惟羣狐狐于樓上作人步似怪客來非所據狐兮狐兮爾無怒明日天明渡江去

渡江

曙色遙分黃鶴樓西風重上漢陽舟兼天波浪千帆矗照水雲

霞萬里秋鴉噪那期今日事飄零為愴昔年游甲辰歲與先兄來游武昌人橫笛應相笑青鬢無端換白頭

八月十一日夜雨

秋風暑尚鑒夜半雨奇猛眠牀若乘舟巨浪撼之醒鎖闥沈櫟聲紙窗走鐙影避漏僮僕喧處溼驚鳴警因思六千人與試者六千二百零三人矮屋頭共打如張旣敝蓋身坐半沈艇湖北號舍最狹小雞號默默暗延頸推枕不敢安此境我曾省

丁卯九月九日楚闈竣事重膺 恩命簡任山西學政

恭紀

北渡方停楫西征又負任戴山承

主命指水誓臣心虎節三年握龍門萬丈深文章有初祖何處

覓金鍼

甯郭驛

飲馬憩山邨山光翠到門年豐民氣靜檐暝雀聲喧明豔黃花
綻殷紅柿實繁兒童訝行客迎笑卻無言

橫望隘

已失摧輪險惟餘倚劒雄河山判表裏懷澤控西東一氣混茫
接千巖衆皴同居民聚成市墾壤笑愚公

道旁樹

並引

入沁州數十里道旁官樹僵立若鼠尾無一株有生意
者蓋奸民致之外以取其材耳詩以諷之

道旁樹高入雲皮膚剝盡枝葉髣揮以斧斤曰自桺邨邊樹比
如櫛扶疏枝葉遶屋密梨桃柿杏落其實問何不髣髴道邊道
邊官樹不值錢不值錢亦無苦曷不留以蔭暘暑暘暑我有邨

邊樹行人悠悠那得顧嗚呼背公爲私不知懼君不見沁州道旁樹

俞明府脩桂以盆梅見贈

誰遣江梅癭裏花眼中斗覺見橫斜爲傳好事俞清老遠致仙人萼綠華玉綴苔枝春有信影移窗紙畫新又人間烟火應嫌俗用卻寒威複幕遮

閉門三月佳橫汾寒日經檐欲換春濁酒易醺如惡客好花難得似佳人一枝靜對相酬酢千里遙憐劇苦辛擬載通衢當西子恐妨觀者費錢脣太原無梅土人有至老不識梅爲何狀者

題歲朝圖

朵朵黃梅撚蠟圓枝頭相見恨無緣那知一管江郎筆敵得青

銅二萬錢

市有賣蠟梅者索值二十千

無物中廚補食經豕羸羊瘦半羶腥寒酸定被山僧笑日日松

根掘薺青

崇善寺松根多薺土人不知食

河曲冰魚字石花

賜鮮歲歲拜金華老饕到此貪尤甚徑欲

臨流手自叉

襄陵早韭枝枝玉文水蒲桃顆顆珠若使詩人能見此當時應

悔賦山樞

青蔥火迫葉新鮮較短量長驗水仙一笑真成被花媼揜苗誠

若宋人然

佳果名花伴歲寒尊前無復舊時酸須知一飯皆

君賜畫與山妻稚子看

壹齋集卷二十一

當塗 黃鉞 左田

古今體詩五十五首

戊辰己巳

戊辰夏四月旣望自絳至解道經運城劉觀察

大觀招

觀鹽池憩於野狐泉聽許山人彈琴

鉞

爲寫圖竝紀以

詩

我來絳守居園池直抵鳳皇城下住故人邀我觀鹽池百里皓
然如積素振衣獨上歌熏樓扁舟忽落江南路嚴飈一夕凍長
河雪屋濤山不能渡冷光晃眼眩生花寒氣侵肌衣欲絮那知
觸熱泊畦夫鹽汗交流溼衣袴主人前席更致詞再請肩輿向
西去有屋三楹泉一泓苔磴數重槐幾樹此閒宜畫復宜琴佳
客二三先已赴入門漸聽響玲瓏洗耳先令去塵霧登山臨水

遂忘疲觸我年時林壑趣
竭來半載倦征輶
堆案時文費箋注
吟詩作畫復何時
對酒看花更無處
寒竿久澀不成聲
枯管無花那能賦
怪底君詩爾許清
爲有泉琴時在御
南風一曲對中條
纏寐五弦如或遇
吮豪聊用紀清游
洗盞雲中日將暮
惟虞明月照銀沙
泉畔野狐聽終誤

游王官谷經司空表聖墓下

朝發解梁城道走中條
麓淺深隴麥黃遠近
柿林綠邨叻共腰
鐮婦子相刈熟山溪
冠蓋稀隨我觀不足
我亦怪所見井上甕
車軸一輪側立之齒
齒以機觸中有斗附
輪挹注自相續策驢
轉如磨日汲水千斛
今年雨暘時川原頗
優渥閣置寂無聲
惟便飲黃犢行行日
漸高已近王官谷
林密纔通人聲确苦
無路清泉橫截之輿
夫中道佳上馬樹妨

帽攬轡伏鞍御浩浩雪有聲了了見飛布澗石滑難騎舍馬繼

以步乃登畫景軒

近人取司空景物皆宜入畫圖句所名

一峯立天柱先生去已

遙艸堂渺何處旁有樓三層危險半已仆傳聞卽故居雨敗神

像塑

樓爲丹陽觀遺址

古柏近千年絳石根不露將毋濯纓亭窗前所

種樹摩挲起天風森森無語

入谷復出谷道經先生藏魂氣所往來艸木揚芬芳當時彊飲

人埋骨知何方嗟余適千里已盡三月糧休休媿未能林嶺心

難忘今朝游興劇敢對先生狂幸容俗士駕一條腐鼠腸前頭

見城郭弭蓋投虞鄉昌黎諛墓金乃爲劉生攘何如市上絹取

攜任所將高風被鄉里多士熏善良東望重回首煙嵐鬱青蒼

游萬固寺

有客談蒲州盛稱萬固寺寺在中條中水竹頗清懿仲夏月上

旬自解梁按試距城十里适命僕暫迂轡堆徑亂石高繞烏清
流駛新篁出短牆搖曳弄姿媚南人得水竹如食投所嗜襟懷
暢懽情次第撰幽祕至人丈六身幻化曾寢示今茲長倍之頂
禮仰而企旁龕十天王大力猛且巖六臂手毒蛇赤足躡精魁
鬚髮磔蝟毛鬚鬚若倒植衣帶勢飛揚妙不可思議昔聞有吳
畫石刻兩壁置因之臺殿營特以水陸謚水陸殿壁舊有石刻三十六諸天像爲吳

道子

筆不知燬何年描摹久不類此豈楊惠之范土所游戲不然

劉正奉搏換師其意惜哉山僧愚取證苦無自名蹟滯溪山無
人爲載記沿緣憩小軒千里快一視嶽色與河聲佳觀坐而致
下瞰萬柿林薺麥幾叢翠想當秋冬交一色赤如幟老僧善柿
釀取資水泉利爲我進一杯味與坊肆異忽聞窸堵波鈴語夕
陽墜尙有事縈懷未搨題名字

寺壁有開寶元祐人題字

出山逐泉流慙媿

復慙媿

蒲州城西開元鐵牛歌

古鐵存世今惟三真定大佛滄州獅蒲津渡頭舊有鐵牛八其
四乃在蒲州城西黃河湄我昔過滄州悔未入城郭昨秋經恆
山曾登大悲閣佛高七十三尺臂卅二今但特立杈兩臂乃知
石晉亂後像鑄錢宋祖更范卜茲地何如鐵牛鑄自開元年維
舟兩岸山嶽堅全身負河禦湍悍梁牽百丈千般連想當鑪鞴
光燭天雲師鍊冶風伯扇九輪下照河水煎河伯避舍龍藏淵
四山十六柱後先一牛一牧牧手鞭萬人利濟車馬填南通秦
蜀北達燕元兵一炬河橋嬰沙沒牛腰如渡水垂虹一斷續何
年翠浪翻風廿餘里今牛在麥田中燕公作贊空爾爲懷丙再
生無用矣方今東南苦河患歲發金錢厪宵旰牛乎牛乎辱

塗泥空負大力埋沙堤安得如爾八輩追風蹶爲我竝力開雲梯河歸故道不復迷爾功不下三石犀嗚呼爾功不下三石犀

過荆中丞道乾墓

駐馬揖公墓公應知我來無言對翁仲太息到輿儻三至碑仍

在

公凡三攝蕪關道三至碑見元史史弼傳

兩行松未栽不將姑息愛爲養子孫才

公孫校縣試第一與童子試未錄

韓侯嶺拜淮陰侯墓

嶺上涼風颯若秋我來下馬拜荒邱羸顛劉蹶今何有不及茲

山尙屬侯

憩子洪西崖寺

本名石佛寺

人家星散不成邨汾水南流路已分此去亂山多犖确暫來初地息紛紜洞中佛髻濃于薜谿上冰花白勝雲記昨巡簷送塞

日裏回經閣又斜曛

去年十月十日過此距今來一年矣

曉行襄垣道中感牛車作

煤車接軫下山坡鐵轂無聲耳鐸和一樣五更霜在背羸牛骨

出受偏多

煤車鑄鐵爲輪小如盤前高後低牛鐸懸於耳際

虎亭

荒唐壁畫浣丹青誰把虎亭易虎亭賺得旅人談色變夜溪猶自怯風腥

贈潞安太守張曾獻二首

弁年曾共賦長楊落筆輪君戰堵牆試席研冰寒叵耐經樓頌

酒興偏狂

乾隆己亥癸卯之冬學使者彙試安徽雲歸別岫成獻賦諸生于當塗時與君同寓延壽閣

孤往風送鄉人聚一方今日春蠶看食葉劇憐相對鬢皆蒼

上黨雲山天下奇地寒惟與飲相宜十年坐鎮風還古千里行

歌樂不支幕府森嚴唐節度文章深厚漢經師卻慙不得王褒
手老我難成樂職詩潞安諸生能詞章者絕少

十一月十七日大雪發潞安諸生送者七十里不絕于道

多謝龍公試手新瓊田萬頃浩無垠媿他撲面花如掌一路青
衿拱立人

碧落寺尋唐碑登南山松林作

絳有碧落碑澤有碧落寺謂皆唐韓王叔子李譔置祈福爲母
妃篆同而文異絳碑久重摹澤篆僅七字我來尋筆蹤絳澤迴
不類釋文已不全宋人釋文已剝落不可卒讀書手亦疑二此法頗圓勁彼
體多怪僞惜哉爲火焚辨證枉辭費棄之卽南山一覽巖壑邃
橫笛張素琴清聲繞松翠不知世達官曾似此鼓吹頽然坐其

聞不飲心已醉如聞山靈言此樂千載未

武鄉山行

亂石如殘棋拋撒紛滿局山泉復縱橫無地可托足肩輿出其
閒迢迢痛我僕我僕亦旣痛猶恨行不速吁嗟彼人子役使何
太酷幸哉風俗淳石勒手不毒

亂山如灰堆堆塚已無路行徑復紆回動與磽确遇豈微無茂
林亦尠山農住肩輿坐已痺恍惚載雲霧吁嗟我非夫曷不跋
馬去不觀九折坂王尊尙叱馭

除夕題畫

畫裏園林舊軸適鏡中黃皺昔朱酡明年六十尋常事不向尊
前喚柰何

次儀城鎮

縱橫絕澗水交流爲湟爲漳不可求忽見高原平似掌邨煙浮
出古儀州

遼州

谿橋三尺板石屋幾家邨此地古爲湟我來春漸溫陽阿柳有
色陰澗雪留痕路僻經過少羣山自擁尊

迎候金鉦闌來觀老穉頻騎驢蒙面女關戶穴山民冠蓋羣相
訝川原靜可親須知使者意愛爾土風淳

石佛寺

在遼州城西七里

峯嶺相連四面遮谿流平跨板橋斜纔登山半松當路已過春
分杏未花秉燭徧參巖洞佛汲泉來喫趙州茶塵勞暫得偷閒
坐且學山僧結半跏

忻州

山連并肆尙崢嶸天柱當年此弄兵今日杏花紅滿谷不知何處秀容城

不見遺山五百年桑榆門巷綠依然卻憐野史書難就剩築空亭旁鹿泉

謁孫忠靖公祠

蒙難三年獄輿尸七日霖此皆關國運於以見天心遺像妻孥聚荒祠風雨侵參軍應配食合奉瓣香歆

謂喬公遷高

過柏林寺觀李晉王像歸而作此

萬七千衆排風雲賊巢膽落鷗兒軍晉梁構怨上源火天子不念王功勲興元之役已狼狽石門兄事尤紛紜錦囊三矢晚告廟梁仇雖復唐無君是時莊宗尙年少復汴初猶立唐廟那知豪傑手翦除百戰功名供一笑可憐酒罷空將須奇兒不奇惟

嬉娛諸伶方擁同光帝天下真與橫衝都君不見監軍力疾乘
肩輿仰天大哭聲嗚嗚吾王自取誤老奴

送廣觀察王按察福建二首

給札西清書最精

乾隆年間君官中書嘗以國書供奉懋勤殿

爲郎蘊藉久知名

縣魚已見河汾化解犢行看海嶠耕雨好那分今與舊萍浮惟

冀散還并一尊幾度花間醉偏到臨歧不共傾

錢時按試代州

從來燕雁互分飛我亦明年得代歸出窖花紅思手植插隄柳

綠驗腰圍

太原無唐花君於署後爲窖雇京師花兒匠蓄之汾河堤築成君插柳數千株以固之

道經吳

下游須徧人過中年醉欲微願祝身如丹荔壽玉漿日飲上池

肥

蔡君謨荔支譜云其木堅理難老有三百歲者君今年五月六十計到福州荔子正熟

代州南城樓上有革鞞數百隻俗傳宋楊業女八姐所

遺按試旣畢登樓觀之殆前明軍裝耳漫成此詩

代州城樓有宋戰士韡傳聞楊業少女之所著心知其矣不敢
非暇日游觀且爲樂塵埋短勒不計雙邨辨韃韞與鞞鞞厥尖
上擣頰履絢長稱壯夫尺三腳楊公之子凡七人玉昭浦訓環
貴彬其孫文廣亦善將未聞少女曾能軍時平不識軍裝製手
把遺韡共思議也先俺荅百戰爭或者明時此遺棄楊家有女
自嬌娥縱慣殺賊提金戈一生纔著幾兩展未必能穿數百韡

雁門關

百戰雄關抵外爭一時艸木識威名而今營卒渾無事閒倚關
門聽雁聲

拜周忠武墓

臣外忠妻外義部下九人外將帥當時賊關亦有言諸鎮倘盡
如將軍吾屬安能至于是潼關破太原挫勾注山高騎而過甯

武關賊無柰賊無柰天亡明以十攻一長城傾山頭燄燄燒紅
雲全家已作雲中君將軍血面排帝關帝命羣靈守其墳六丁
鞭石成兩敦狂瀾不敢趨山根至今鐵騎天陰聞公墓在甯武東門外山上
溪流泛濫山墓南衝激而過乾隆乙巳夏霖雨經旬勢尤湍悍
幾及墓次七月十九日夜墓前忽湧二小山延袤各數丈高亦
如之逼溪溜中趨無復衝激之患矣見墓碑記

山氣

山氣夜沈郭蒼茫曉未收寒風來絕塞入夏尙重裘盤馬雪千
里射雕天盡頭平生極飛動惜不壯時游

廣武

天險扼重山時清耕鑿閒腥風虎飲潤寒月雁橫關畫角穿雲
出驚沙點鬢斑明朝馳絕漠誰遣大黃鸞

邊城送春

太原桃穠花塞上雪飛絮兼衣寒不支更遣杯酒助方疑春未
回擲識春已去譬如遠行人驪駒在中路恩恩始臨歧送者已
大謾

道出雁門西直北望雲朔羣山一氣橫如睡尚未覺平沙麥始
苗髮細不堪擢衰顏惜流光頗願去毋數喜聞芍藥花再至乃
可握甯武芍藥五月方花計時當由大同歸過此地

三月廿二日立夏甯武大雪

饕風團急雪莽莽復紛紛到地融爲雨露崖薄似雲怯寒聊閉
閣開霽已斜曛記得過忻代花紅艸亦薰

甯武四詠

苡麥

亦麥屬稽細四出穗綴其上食之易飽不化邊民殆終歲以爲糧也性耐寒可三種故于關塞宜

山西通謂之苡麥苡說文讀若弔卽論語荷蓀之蓀土人作此字音轉爲油

亦是來牟屬嘉名肇錫誰青隨春艸長黃壓塞雲壑俗儉療飢
易沙寒降種宜平生真負腹香稻滑流匙

石雞

形類鳩鵲毛褐色觜爪赤翅下黃黑相間若界道然聲格格如竹雞山中人捕食之

已自藏山石無因眩羽毛置身當萬仞何意數三號淪食從人
忍樊籠惜爾遭舊巢應不遠莫憚倦飛勞

筆頭菜

初生如筆頭可瀹菹噉之味苦性涼葢薇蕨屬耳

怪底山川秀偏鍾艸木靈千枝頭戢戢一束筆亭亭博物徵羣
雅爲菹補食經苦吟聊把齧幽思入沈冥

花毯

擇羊毛漚練治以爲線染成五色織爲地衣坐褥蟠龍花艸光采陸離煥若續畫他郡亦有之以甯

武製者爲最或云其法傳自外番

毳毼名自古花毯始何時芳艸輒扶寸文章光陸離法從番錦
變感想舞羣宜插腳紅塵慣逡巡步每遲

白丁香園

五寨行館

日長傍午息征軒縣小民稀市不喧卻笑邊城花事少丁香兩樹已名園

寄嵐試院松

千丈獨森森三年一息陰

寄嵐爲太原屬州學使者例于三年中聚嵐興保德河曲四州縣生童試

於此都將塵俗狀閱盡歲寒心翠惹流雲溼濤來古屋沈呼兒待新月爲我好橫琴

四月一日丁香始花

山中建巳月花事有丁香氣候邊城晚流光驛路忙一叢欹破屋萬蕊豔初陽忽憶澄懷樹成陰暗卅堂

沈刺史

潤芳

自保德饋石花魚感而作此

朔風吹河河水立一夕成橋萬雷蟄嵯峨百丈跨長空下有潛

魚相聚泣開年寒盡桃花開錦鱗逐浪嬉春來但投芳餌貫之
柳那管龍門曾暴鯉沈侯饋我十二尾快馬遠馳三百里批鱗
縮項鰻遜肥入饌春江蕪難美昔聞天橋魚所家泳游飽噉惟
石花豈知別有貪饕處輟筵重嘆嗟飛流如瀑懸崖挂轉
穀無船自天下貪夫犯險載餽飽失勢將身作人鮓陝晉販穀
皮作袋號餽飽編筏載當時米粟墜深淵羣魚咬嚼飮飢涎可
下天橋往往没于河憐性命鴻毛似只博盤餐口腹鮮

四月七日曉起甚寒偶憶鄉園節物示初民少民兩兒

子

插秧雨足水平湖四月江鄉記也無青餽飯香僧浴佛紫玫瑰
放婦簪姑蕪湖俗新婦母家于四月初以玫瑰
花千百朵襟他物奉其姑謂之送夏堆盤蠶豆碧于
玉出網鮓魚美勝鱸底事十年竟拋卻夏寒來擁塞山鑪

日日

日日塵中坐山山霧裏看諸生費碧錯使者媿盤餐艸色朝添翠松濤莫送寒人言時見鹿我爲久憑欄

四月九日雨

疊疊垆田綠纖纖莠麥生浮塵迷近遠細雨見分明水激機舂

急人爭虎穴耕定知原野樂試聽鳥鳥聲

奇嵐指山田一頃爲一垆遂名曰垆田垆

讀如響亦字書所未見也

寄嵐西山雲際寺

經旬眼底山俄頃到我足譬彼道路人共此郵亭宿遭逢雖未言面目久已熟盤紆徑造顛城郭紛在目招提出雲際殿瓦繡苔綠畏虎僧無房蒙塵佛撐屋石幢互摩挲細字畧可讀乃知崇甯時此寺已興築

殿右石幢一爲崇甯三年鶚鵲軍人劉父立以祈福者

爾來八百年

又閱幾陵谷表回聽松風誰記吾游躅

四月十三日重至白丁香園

山頭積雪認蘆芽城柳垂陰綠未遮小住寄嵐剛十日重來亭
館有餘花裴回點筆吟閒句容易斜陽送莫雅抖擻征裘全解
札今年邊塞飽風沙

大同古平城地也病中感漢高被圍七日事書此撥悶
世間危急那有此四十萬騎圍天子闕氏說阻黃利來再七日
漢君臣外乃知天子自有真冒頓之衆如飛蟲秋風一吹我軍
出歸尋墮指桑乾濱絮繪酒食餌可投和親之說創于婁欲臣
久遠計大謬終漢開唐數代羞吁嗟此舉何鹵莽正可比之于
捕虎虎已遁歸須伏機且急焚籬固其所尾去已非出萬全幸
脫又遺羊肉羶歲爲邊患自貽戚如此和我亦可憐我來憑弔

無遺蹟萬頃油油有新麥一醉醇醪病未能手把漢書姑酌客

大同試院對雨

閨寂寒廳一畝寬強將腰腳散疲頑摩挲几硯來看雨想像風沙怕見山身不屬官方可病心如流水那能閒故鄉漫憶江南好卻望并州去亦艱

病中試大朔兩郡諸生

攻玉難爲石淘金只見沙那堪紅勒帛安冀碧籠紗雋永求三語縱橫憶八叉披尋但愁坐衰病日增加

最苦客塗病何當官裏身閉關難任我裏飯況無人藥物依方檢文書堆案頻粥材誰與致香稻寢中新

贈大同鎮王總戎

開府古雲中勳名魏尚同雅歌用儒術書法本家風陣合貔貅

士弦鳴霹靂弓時平猶習戰不敢息勞躬
顧我尙羸甚難登大將壇折腰煩饋藥多病勸加餐暫聚憐萍
梗相期在范韓高情無以報應笑腐儒酸

大同五日六言四首

夏至冬衣未脫病餘節物全拋那有菖蒲泛酒纔看芍藥含苞
鎖院無人澹靜布簾竟日慵開益智正須糴糴黑須誰致羹材
夾岸涼堂虛榭連船豪竹哀絲正費十年想像何堪一病支離
有客風前橫笛聞兒室內鳴琴如許一天清興休辭百罰杯深

壹齋集卷二十二

當塗 黃鉞 左田

古今體詩七十三首

起己巳五月
至庚午除夕

惲南田畫花十二首

玉蘭

山館春尚寒梅徑芳已歇花光照庭除皎若初三月

墨桃花

一樹竹籬外幾枝野水濱武陵本仙境何處著紅塵

黃薔薇

桃李逐東風慘地已狼籍玉碎殊可憐正要黃衫客

牡丹

一枝大于盤細瓣不可數濃香何處來妖嬈遽如許

繡毬

謝絮風團就江梅玉琢成
捏銀何太俗不倩耿先生

紫薇

莫山煙欲凝昏黃月初上
如入虛白堂圍以紫絲障

風柳秋蟬

柳葉瘦于眉蟬翼薄如鬢
游子行不歸已送秋霜信

秋海棠

血淚滴成花花開腸欲斷
三更蟋蟀吟一徑紅雲亂

桂

黃金鑄爲粟可喫不可飯
秋風一夕吹布地厚逾寸

墨菊

東坡愛黃花謂是中央色
柴桑曾折腰何妨姑近墨

扁豆絡緯

一架豆花晚柴門半掩扉似憐思婦苦軋軋伴寒機

雪蕉

聽雨又聽雪白雲迷綠天袁安不終臥除是著焦先

五月廿四日夜雨初晴朔州道中述詩二首

合方達道路司空治以時如砥復如矢所以詠雅詩我來雁門
北空曠萬馬馳邊農強耕種欲使麰麥滋官路忽窘束隘不如
莊達牛車日夕碾漚下成溝池引水復由轍各自營其私一宵
凍雨過茫乎無津涯行旅顧而嘆俛俛何所之驅車犯田禾蹂
躪堪嗟咨貪哉邊隅農得失較可知燕齊秋冬交良法胡不規
溪溝以墊道綢繆未雨期況茲地平易此法尤宜施我言非謬
悠敬告良有司

山夾水曰澗陵夾水曰瀨他省閒有之惟晉無地無漳沁繞太行屈曲河南趨漳沁與桑乾北流道頗迂山水雖無名大有性命虞每當盛夏時行者必戒途遇雨值其衝滅沒真須與豈惟人與馬盤石如輓轡圓轉走中流捷甚秦鞭驅雨晴顧石罅時有羊無膚我昨過馬邑雨渡呼水夫幸哉水不深褰裳猶可逾然當急流中惴惴愁漸濡孝子不臨溪茲行胡爲乎何時架橋釣曳杖來踟躕

甯武試院雨中試士

萬山竝作一山橫六月纔如二月青雨勢挾風驚戶牖豁聲撼石走雷霆千人合坐門溪閉一氣沈酣筆未停不用精強誇考閱覆瓿豈有太元經

試席人歸溪院遙巡簷又聽響蟲蕭袂衣向晚涼猶怯絺扇留

塵久不搖始信關雲常帶雨共言伏日是來朝

明日初伏

惟餘一事

差閒靜高柳無聲送莫蜩

關外無蟬

六月四日廣武山中

水聲激激復粼粼踏石當流劇苦辛破廟一閒農祀虎

山中廟多有塑

者亂山盡日路無人艸花待雨憐開晚麥穗垂雲欲薦新差喜

關門行已近不堪回首塞垣春

再過晉祠簡劉觀察

大觀

昨來正月月既望落燈風裏泉不壯口吟李白舊游詩心寫扁

舟昔時蕩今年再到中秋過魚鱗活活搖綠莎門前平田已穫

稻池上敗葉鼓殘荷此祠此水幾千載逝者如斯常自在過盡

飛鴻影孰留只有蒼官顏不改

祠前古柏相傳猶周時樹

我笑并人不曉事

亭子須當佳處置束將碧玉走溝渠高起朱甍祀非類

祠左右有苗裔

堂三王殿 簫鼓浮舟事渺茫石渠夾道歌歐陽能援蘇白西湖

例水側涼堂築未妨吁嗟憂樂審所急豈有古人不可及浩歌

泉上少知音惆悵題詩寄劉十

難老泉 即晉水

清可療飢白可盟琤琤分灌畝縱橫休將倚樹尋常聽表裏河

山此得名

自晉祠至交城道中書所見

袖手雲寒鞭緩緩打頭雨墮棗離離曉烟未泮東方白流水聲

中過晉祠

菜肥韭嫩雨過纔青翠能令倦眼開畢竟難忘惟此味晨晷夜

鯉爲誰來 清源鄉多菜園

碧葉平鋪百畝寬纍纍下綴紫泥丸劇憐到老風情在猶帶餘

酸徹骨乾

文水交城之間蒲桃架輒數十里相連乾其實以負遠方

卦山峻削背交城正對瞳矐曉日生暑似桓公座中客此君小異合知名

風峪觀北齊所刻石經竹垞先生欲移置晉祠而未果者

秋霖邨路潦猶渟跋馬來觀天保經豈有風傳地中籟更無人

置水邊亭

籌鐙捫讀時方午並轡聯吟歲憶丁

竹垞先生與王方伯顯祚太原

道中聯句爲準擬重游攜紙墨臥聽椎拓響瓏玲

汾州太平邨訪曹員外

視齡

聞君解組歸來後直把城門作虎谿今日相逢成一笑重來莫遣路途迷

邨外青山一桁橫白頭二老話柴荆猛思四十年前事邨下諸

郎尙未生

靈石縣觀隋開皇十年所獲靈石石文大道永吉四字磨滅不可見

靈石高于人磊砢若積鐵摩挲古識文年遠久磨滅隋文幸并州獲此縣因設開國時十年符瑞上未絕郡知妖祥與大書亦不輟前年方雨石滏陽路詭詭明年古器妖金石且爲孽開皇七年雨石于武安滏陽開十餘里十一年正史以平陳所得古器多爲妖變悉毀之大道永吉何暗昧媿前哲史稱隋文雅好符瑞暗于大道如聞石有言我亦無可說惟幸王君懋靈感未臚列王劭傳言得石者三不及靈石靈感誌三十卷劭所撰也

靈石水頭西嶽廟門右有李衛公紅拂妓蚪髯客塑像蓋本劒俠傳耳戲題一絕

邸舍倉皇暫滯留蚪髯曾此睨梳頭如何逼處山門外記得公

文告嶽不

平陽院試有臺可三丈西望姑射了如畫已巳九日
偕幕友及兒輩登高其上飲酒賦詩以羨爾城頭姑射

山爲韻得山字

籃輿兩載疲躋攀磬確行盡山西山登高日日作重九佳節乃
反門重櫪城頭青山窺我笑綽約濃畫修蛾彎似言如此好風
日閉置不出何其頑荒臺拔地可三丈領客對酒怡心顏羣山
三面抱城郭姑射獨立陵煙鬢坐令足跡所經歷一一到我襟
懷閒不圖屋裏快登眺向者行處何險艱霜花泛酒摘黃菊棗
餠遺遠無獅蠻彈琴吹笛明月上但有清曠煩憂刪冥冥萬瓦
正眠熟未審塵寢何時還

平陽大雲寺水陸畫軸歌

有序

嘉慶戊辰二月按試平陽聞城西大雲寺有吳道子水陸畫百二十軸亟借觀之僅八十一絹素碎爛過半諸佛菩薩天龍星君地獄變相具在內惟三台星君爲庸史所易餘亦若兩人所作一種行筆雄快傅色濃古破碎尤甚似歷年較遠一種筆蹤稍弱尙完好大抵地獄變相多破碎而佛像間有未損者可知巧偷豪奪不少矣王西樵曾見三十軸作詩直以爲道子筆且述明西河郡王得畫之異蓋寺僧神其說耳後桐城劉允升詩又謂有人及見軸尾署劉永筆永北宋人師關仝者未言軸數不知王劉二君所見同耶異耶疑不能明也昔東坡於長安見吳畫云素絲斷續不忍看已作胡蝶飛聯翩而當時壁畫存者亦僅普門開元兩堵豈神物護

持今猶有八十軸耶不辨可知矣顧其經營位置元明
人罕有可擬議者謂劉永筆庶乎近之己巳秋九月再
至平陽爲補此詩

平陽城西大雲寺百二十軸水陸畫石函鐵緄深藏未掘得
時見光怪口傳畫者爲吳生或又曾見劉永名爲唐爲宋傳自
明王劉歌後無繼聲西樵初見軸三十我昨借觀八十一就中
一幀三台星巧偷竄八庸史筆其餘畫者似二人筆蹤絹素先
後分裝背碎爛作蝴蝶丹青滅沒隨煙雲帝釋天王泉菩薩地
祇人鬼偕天神北斗極諸星君下逮苦舛兵燹焚寶幢珠珞
兩足尊蔭注世界乘祥輪阿修羅聚顛乾坤鵬鷺立化皈波旬
操蛇吐火髹髀臂鬚髮倒植骨出筋面目焦爛骸骨存涇淋漓
帶江河渾魂魄械杆殼觶蹲手提髑髏不敢冤地獄幽暗逃無

門我生未讀梵筌文見之悲憫雙眉蹙乃知象教大有益使諸
受者能語言世閒誰復爲冤親況主山林晝夜風雨各有神暗
室那不修厥身吳生劉生且勿論但一目想驚心魂虛堂窸窣
幢蓋翻

入秋以來頻有腰腳之疾感賦

暗裏身加老忙中病趁人禁腰笑文詡詈足恥梅詢重豈金龜
繫輕思山展親籃輿如可致歸去不辭貧

自平陽至解州途中漫興

別葉零丁尙戀枝今年霜信者遲遲而能潤麥纔爲液雲嬾歸
山似太癡去路頗因兒繾綣時遣初民少民先還太原游蹤多爲足猶夷足病

未愈經過邨墅豐年樂慚媿衰翁老不知

虛擲流光負醉吟強將干役當登臨言愁何必因人始覺痛方

知受病深樹到老成饒古意山收嵐靄見冬心湖陰卻有苔磯
在空被閒鷗日占侵

王 畫

橋外虹明雨乍收溼雲堆絮尚浮浮青山一似東坡老卻被歐
公放出頭

左足酸楚不良于行葉安邑

以信

藥我而愈賦此爲謝

無端左足忽蹣跚空學英雄撫髀歎手杖拄尋平地穩面山登
想上天難從君乞與青黏散起我真同白玉丹慚媿閔生太無
賴累人豈僅一豬肝

解州風

甯武夏如冬解梁冬似秋相隔僅五月時序若再周昨來安邑
西槐柳綠且柔條山瞰州城峯峯青屋頭齋館再游熟几榻如

舊僊盆盎莪蕝菊黃白眩兩眸謂可甞偃臥足疾庶有瘳無何
大風作五日三颶颶激蕩鵬運海昏黑龍移湫對語聲不聞孤
坐心爲愁再甚將安加一息不可偷白楊復助虐萬葉紛襍投
開門疑雨來素月當天流或言風有谷近在山之陬熏風此囊
蒙虞舜曾歌謳歲當五六月民頗禱祀求不風鹽不冰不風賈
不售風則阜吾財黃金高嵩邱我讀鹽池詩近自王黃州但云
吹作片炎風吹作片王元之鹽池詩不謂息或不又嘗讀筆談理實言不浮
縱廣數十里中條相遮留謂之鹽南風先我曾咨諏見夢溪筆談我
本江湖人所習在泳游風聞長年語扇風劇戈矛遠及十里外
不戒能覆舟江上遇高山常有扇風或謂之厭風蓋爲山所障蔽其來猛而力可及十里外因知解州
風其來蓋有由羣山當州南屏蔽峯巒道中四左右高如田決
渠溝所以南風勁他風勢不侔所以他縣否惟州扼其喉池鹽

利風散畦夫資爬搜玉華一夕成厥功遂報酬若論唐虞世五
日聲修修條且不能鳴安得吼若牛後來昧斯理強起歌熏樓
不然郭與柳賦問窮瑀鍛何無一語及闕畧不見收不妨別有
穴淡邃通諸幽投葉便飛出陰氣烝煇煇卽如石經峪空嵌羅
琅璆我昨入其中詎聞吹飀飀飄飄師職天下八方宣鬱憂豈獨
私一山毋爲神所羞志稱分雲嶺有風谷洞投葉卽飛出嶺上舊有風神廟詩成輒自笑
我亦何謬悠譬如在甯朔茲風又誰尤案有傲霜花筍有解札
裘蹣跚已能步不刻棲杖鳩何須苦辨論刺刺語不休啓窗風
忽止自起鉤簾鉤

十月十二日曉起寒甚

扃門鼓吹送餘聲入室鐙花綴短檠菊似阿嬌藏愈豔窗如蒙
穉驟難明閒披舊業溫鑪坐爲感新寒冷硯生要識功名繼前

哲非關文字致公卿

是日試夏縣榮河童子

憶子卿

春明竝宅晨昏共秋賦乘輶滇楚違一自恩恩如雨別劇憐

艸見星歸松江寒盡知鱸美

時爲雲間書院山長

汾水年來只雁飛想到

山梅花又發踟躕無語對斜暉

子卿有看花懷人圖爲余作也

挈來兒女暫相親冷落松楸倍愴神廨屋東西空有淚襄陽耆

舊已無人

殊恩未報難言病厚綰虛糜敢說貧此意除君誰

省得十年甘苦本同身

獨坐待旦

啓戶訝積雪滿地明月光策策疑雨聲落葉飄白楊虛堂寒薄

人想見四野霜滅燭燮虛白看山漸青蒼此時裏手坐喧靜皆

相忘

霍山神

霍山神自言尊與人家國殊無倫襄子知伯誰冤親奪此與彼
不奉天不奉天求百邑助殲老生又誰役隋君雖不道老生實
忠臣聰明正直壹爲神宜其見逼程逸人逸人唐時人見潞安府志方技程逸
人誰何者此語亦是齊東野冀州西南高接天興雲降雨神所
權山蒙此謗山無言我欲首學司馬遷

女媧廟

趙城東五里霍山下

鍊石事荒唐搏人說渺茫經綸當艸昧制作有笙簧主奉

高皇易圖猶帝妹裝

乾隆年間奉畫壁猶作后妃裝飾有司當聖之爲是神

特旨易女像爲木主今神

靈在天下何必定閭鄉

神林謁介子推廟

縣山高不極縹緲白雲端下有神林在來從介廟觀虛堂役神

鬼被服秉躬桓風雨靈旗動蛟螭畫壁蟠是誰加爵土強爲飾

峩冠

宋以禱雨有應封潔惠侯

言祿當時媿從龍此日嘆事傳環異失節企

潔清難豈有黃蘆木惟餘白牡丹

殿後有牡丹二叢歲常作白牡丹二朵謂之神花顯亭林

詩牡丹異凡花春炭洗錯粉是也

宦無游轍至詩笑斷碑刊

碑刊謝榛詩爲宋人緜上田

猶舊山中食不寒一家仍眷屬千載共團圓

後殿中祀介母左介君右介君妹

饗罷神應樂婆婆得盡歡

郭有道祠古槐

林宗祠前天未明老槐當路如山橫森然魄動以火照空洞中
可客人行有櫟本亦中梁柱寄生腹內爭枯榮那知旁枝尙合
抱強欲比附爲弟兄憶昔黨錮禍未烈俊顧及廚競氣節變形
亡命僅身免只有先生剛不折是時此樹應扶疏垂蔭衡門見
高潔懷經協術誰最賢可惜婆婆不能說寒風刮面霜花濃荒

祠深閉蒼苔封惟便繫犢憩牧豎誰解尋碑問蔡邕大厦將傾
要梁棟希風標榜歸何用君不見大槐坂上望松喬一代龍門
爲誰重

庚午三月十一日曉發太原見山頭積雪戲作

滴耳檐聲際曉收起來重攬過冬裘出城失笑青山老不耐春
寒也白頭

半壁鋪至子洪杏花盛開

繁英羃歷紅千樹絳雪迷漫蓋一山可惜酒帘無處著不教花
裏置柴關

雪中看杏花

嶺南柳葉北纔芽特特踈聲響溼沙拂帽凝雲猶擁絮點衣春
雪不成花清谿舊雨添新雨紅杏朝霞閒莫霞爲愛風光行處

好忍寒嬾閉轎窗紗

虎亭書所見

高下山田雪澤勻扶犁老穉笑相親忽聞金鼓喧闐至道是神

山賽雹神

沁州伏牛山有顯濟王廟神司雨雹水旱皆往祈之

澤州試院作

太行雪淨碧如洗邀我南來七百里眼中殘杏幾千株煙雨江南
違一紀澤州古松昨三宿滿耳濤聲最清美不圖衆豔忽爭妍
無數名花炫紅紫玉蘭玉立如宗之一團絳雪堆鸞枝丁香
海棠逞顏色幽蘭不語羞人知前年平陽登高臺瞥見隔舍林
檣開一枝乞得膽瓶供與客對翫傾尊罍去年甯武方大雪立
夏圍鑪生暝熱中途五寨見牡丹一朵不知何處折何幸今年
眼多福溼翠殷紅紛滿屋千迴百市看無時把酒高歌歡未足

興酣浣筆寫芳姿
猛記家園三月時
鶯飛艸長花如雨
惟剩薔薇臥晚枝

食筍

十年不食青竹筍
見簍饒涎不可忍
蒲州一束甘至今
渭川千畝恨未盡
竭來瀟澤近清化
僅隔太行如戶隣
水聲廿里機硤喧
煙雨萬竿苔路窘
折花饋筍有故事
筐致盤堆煩大尹
聞雷張王遽幾時
帶土斑斕猶繫呼
奴搏節日與嘗
召客咄嗟杯共引
難參法嗣有橫枝
一飽堅茶味齏蘭
繫余三載媿素餐
豈有良材收楮菌
截椽采谷識未能
髮白顏蒼老堪晒
光陰駒隙去悠悠
進退朝行又蠢蠢
果能苔筍慰老饕
立脫青衫命車軫

食鮮鰕田雞率爾成詠

花蛤來何處
沙虹快合并
不圖臨白水
翻得味南烹
艸屬撈猶

記盆池聽最清十年贊鄉癭一飯抵尊羹

聽濤軒小集

落落長松壓畫臺花枝豐豔鳥輕清已煩竹筍兼郵致更擷蔓

菁帶露烹

試院多諸葛菜
澤人不知食也

勸客醉擎杯酒滿餞春遠怯榼山行

太守約游榼
山以遠辭之

尊前事事都如願惟欠鞋紅照眼明

穀雨已十日
牡丹未花

次太義憩宣司馬 枋署中

十里紆回嶺路賒但能換馬不通車

高平長治交界
處名換馬嶺

遙看巖腹

三閒屋半露牆頭幾樹花輟未聚觀惟野老到門方識是官衙

感君爲我鄉人誼自煮蒼山一盞茶

宣合山人蒼
山有雲霧茶

四月十七日游五龍山

平生好游如好酒清聖濁賢但指口每聞幽險便躋攀不問林
巒孰妍醜潞州城南五龍山蒼松萬本陵煙鬢十日局門一日

暇要令腰腳舒疲頑於時兼旬亢不雨累日俊風慘塵土將作
經營毗謁誠時重葺龍神祠天瓢傾倒神應許巡檐捫薜讀殘碑猶有
熙甯喜雨詩熙甯二年轉運使祠部郎中陳觀稼亭過坐良久
小松窠裏立移時老僧飲我泉清冽送我歸途日剛昃回首松
林欲化煙當頭不見雲如墨

崔府君廟

在長治城西二十里漳澤鎮志稱卽唐崔珣

府君唐詩人佳句傳鶯鶯曾爲長子令廟祀民不忘牒虎虎自
殺叱龍龍深藏青紅襍鬼物圖畫東西牆中龕南面坐被服如
侯王是時四月望奔走來邨毗婆娑方樂神弦歌羅酒漿藉非
有功德何以堪馨香廣平賦梅花鐵石爲心腸右軍有忠節以
書名不彰惟賴直道存可補史傳寄言羣有司民非盡無良
不觀崔府君靈風尙回翔

屯留

上黨氣候晚高寒逼太清曉風過鳴水村四月始聞鶯麥短綠
無浪山平青繞城我行晴亦得望澤閔邨氓

憩榆林觀音庵有采得黨參花者率賦

余吾邨店飯胡麻又趁榆林飯後茶食料惜拋清化筍藥材喜
見黨參花紫英的的香盈把碧葉亭亭嫩未極願就茅庵借長
鑱行挾蒼穎刷朝霞

沁州聞布穀聲感賦

檐月未墮窗紙明一聲兩聲布穀鳴三年不聞喜且驚了然非
霧歸柴荆溝水漲綠龍骨橫戎葵花開荷葉生麥黃秧碧江天
晴見爾拍拍孤飛輕攬衣啓戶歡欲迎風霾四顧猶荒城啾啾
但聽檐雀爭

權店山中佛寺有玫瑰一叢作花不下千朵道人年七十二矣不知花爲何名

道人七十溪山住不識花枝尙有名卻被行人來說破也應笑倒古先生

但解年年此日開何曾花下暫徘徊此翁大似溫公僕未被東坡教壞來

請雨辭

並引

嘉慶庚午五月四日遂次祁縣石佛寺見邨民祈雨者老幼百餘人白衣冠荷校徒跣踏澗石往武鄉焦龍山取水祈雨呼天痛哭音甚酸楚因依其聲作請雨辭以助之

吁嗟乎天乎我民愚多皇皇我其徒跣我其荷校我稷我黍罔

有下土吁嗟乎我民愚我龍宥之其許我雨

吁嗟乎天乎我民愚不可恕我衣以白我冠以楮若喪我父母
我稷我黍何時出土吁嗟乎我龍鑒之其許我雨
吁嗟乎天乎我民愚我民亦苦我衣惟褐我食惟粗我稷我黍
惟以奉官府吁嗟乎我民愚我龍哀之其許我雨

孟蟾方伯出示宋揭聖教序是郭允伯

宗昌

松談閣所

藏後歸米紫來

漢雯

者因憶乾隆甲午歲

鉞在京師見

朱竹君師西嶽華山碑亦郭君所弄公子

錫庚

時官於

晉借而合觀之蓋二揭相離百九十年矣留方伯齋中
五閱月於其歸歌以識之竝呈方伯

孟蟾嗜古精且博示我齋中特健藥唐碑宋揭世僅存流傳有

緒米宋郭

杜果跋觀察宋荔裳購而得之卽以贈紫翁父母

摩挲紙墨醉古香拂拭籤

題發狂樂眼中肯見華山碑度藏亦在松談閣與君此揚寶鵝

鰈小別雨朝太離索不圖墨寶示靈異先遣主人此棲泊謂錫庚

羌吾亦載久目成導言二姓如媒約張公龍劔會有時樂昌鸞

鏡圓猶昨披尋跋尾嘆因緣蹤跡前塵更嗟愕懷仁序久歸勺

園先百卅年到君幕是時康熙乙巳冬方伯王公記其畧王顯祚跋

此冊爲紫來先生所什襲乙巳冬月過晉陽山以示余君復攜來坐此席天合奇緣胡可

度卽如此碑亦大異獲從吾歛黃司鐸華山碑歸王山史宏撰不知何時轉入新安爲

歙縣教官上海黃文進所得黃因以贈竹君先生由燕入晉巧相值如鳥求聲水歸壑

雲烟過眼跡偶留結習難忘花自著彈琴滄茗互欣賞墨色紙

光相煜爚居然裝背尙完好靈偃史明手親拓不是翻身學鳳

皇且昵二喬鎖銅雀人弓人得楚何爲鹿藏鹿失寢非惡君官

西秦富鑒藏豪擲私錢恣搜摸時從歐錄補缺殘輒啓桓廚賞

盤礴丁爨庚鼎峙几案漢鑑秦燈照簾箔獨持此本嘆再三
得雙鉤更填廓我時別有意難忘不審九歌誰手落假如妙畫
不脛來一笑髯應九原作周櫟園跋近在京師見所藏九歌圖李伯時設色本鉞三十年前曾見於燕湖周氏亦郭氏舊物也

庚午九月六日文水鄭岱鍾前輩重赴鹿鳴宴卽席賦

呈

六十年前賦鹿鳴重來爭識鄭康成是秋我始生逾月鉞以乾隆庚午
八月五日此榜公今閱五庚日生

帝子頭銜師國子恩賜國子監司業銜天留諸老重科名是利順天江蘇安徽浙江

山東山西與笑披桂藉從頭看不謂文昌也世情榜首蘇捷卿
宴者凡六人
皆公同里人

留別晉陽書院諸生

三年使節駐橫汾忍對諸生竟密雲此別畧無言可贈讀書先
在友多聞栽培桃李原吾分扶植蓬麻要自勤惟冀清修相勸
勉不須惆悵惜離羣

翠華西幸啓青陽巒壑春回艸木芳試看雲霞堆錦繡好將詞

賦擬班揚研京須趁三冬暇橐筆思從萬馬旁西巡五臺向

之例鉞爲奏請揮手羣山成一笑驪駒何事重徬徨無獻賦

巡捕官弓足邪太原營把總也送我於忻州痛哭失聲

而別感賦此詩

知君家世起幽燕爲我馳驅負弩先此後倘來應再見遽行難
忍是三年浮雲柳絮蹤無定畫閣銘山志要堅莫使盈盈雙淚
落壯懷翻爲別情牽

飯曲陽朱家峪楊秀才家作

我從陽曲來曲陽越山萬重猶在山五臺高寒砭肌骨三年今
始陵屏顏白雲在天招我宿饑虎半夜窺禪關宿白雲寺夜長有虎入僧院
城東下二百里派水送別流崢嶸今朝乍喜履平地邨屋就飯
差寬閒池魚盆菊致足樂田衣山屐緣何慳宦游名山若傳舍
身與邱壑分靈頑饗餐甘蔗噉諫果雋味豈在鹵莽閒忽聞大
笑山出口急屏騶從來躋攀

經慈航寺謁方恪敏公祠拜其遺像

昔我童蒙日聞公不識公今來謁祠宇畫像未成翁

像爲公五十二歲時

所作種蘭圖須髮尙未白

種德芳蘭似謳歌萊竹同邦人誦子產

後漢衛翊字子產

何日得英克

明熹宗御用戩金小鐵斧歌

斧長四寸許以金銀錯龍文八分五字曰天啓三年

造

堯規舜矩工倕指大巧何妨作天子朱干玉戚匠國成手把太
阿身負屨惜哉熹宗不務此但執斧柯兒戲耳婦寺類永貞刀
敕甚羣鬼今年領東廠明年黨禍起吁嗟乎一斫兮萬燦亾再
斫兮楊左从汝輩爲之朕悉矣斧兮斧兮斫未已

庚午冬自山西還京除夜與內子話舊憶三十年前住
古桑書屋百錢買春便可足歲殊有食貧居賤之樂因
圖示幼子童孫俾覽之母忘寒士家風也

萬錢終歲足房緝醢醢毋須乞比鄰休訝茅堂太荒陋廿年曾
此息吟身

爐留餘火樹留雞諸語曾邀賀客題笑指鼃觚示孫子是時汝

叔尙兒唬

乾隆庚子歲朝無魚程靜江過古桑書屋戲嘲云爐
留貧士火籬翦隔年雞一時傳爲笑樂是年中民生

市三
年

蕪湖許文澄深重校刊